

光化縣志

局志 1090

74488

地志部

部

部

卷之四

光緒甲申之秋  
七月既望開雕

光化縣志序

光化古陰地在漢為鄧在宋為乾德即光化軍蕭侯鄧侯之采邑而歐陽文忠公之舊治也上接關隴旁通巴蜀界連鄧浙屏蔽襄樊漢水由蟠冢來氣勢浩瀚至

光化縣志

卷首序

一

邑而縈紆曲杳誠水陸形勝之區南北衝要之地予以壬午秋來宰斯邑適

大府檄取邑志以供通志之采擇邑向無舊志前邑令李君鏡心與邑廣文葉君朗山王君植

三設局采訪僅得斷簡殘編遂  
加披覽每多闕遺爰邀太史余  
君播珊邑紳李君晉臣路君文  
軒簡生漢卿再三籌畫分鄉  
博采東鄉以齊兆萬傳維祺  
任之南鄉以盧正衢鄭玉亨

任之西鄉北鄉以劉乙照左  
傳芝徐式霆張淦任之會因  
秋收歉薄會匪布謠急急於  
團練保甲迨會匪既除春荒又  
屈民食維艱何暇纂志幸蒙  
大府借穀賑飢民生有賴麥

慶有缺乃就復文書院設局今  
編延段映斗明經周履中涂起  
功焦作鏞諸茂才朝夕攷究攷  
攷不輟而又以揚鳳藻諸生力  
任鈔胥自癸未六月始迄八月而  
志以粗成或徵諸載籍或訪之

父老山川風俗之所關政治文章  
之所繫忠臣節婦畸士高人縱  
未能網羅無遺亦庶幾採擇殆  
遍使由此而加以潤色繼以討論  
亦未必遠遜於武功朝邑諸志也  
况乎磅礴奧衍蘊釀既深鍾毓

之氣積久必發邑志既由此供  
輜軒之采邑人士即由此儲積  
幹之材行見繼武前賢先生  
志乘於以仰副

天子作育人材之化者濟濟  
繩方興未艾故於志之纂纂成謹

光緒九年歲次癸未季秋月

序次如左

上浣署光化縣事補用知縣  
華陽鍾桐山撰并書



序

光化襄郡屬邑也邑之士民多好義凡有裨益教化之事  
倡之無不舉風俗樸厚甲於他邑兵燹後築河隄修衙署  
建

文昌閣以及城樓諸大工均次第興起煥然可觀惟志書  
殘缺漫漶無稽

皇上御極之元年詔郡縣修志前邑令李君鏡心與邑廣文葉  
君朗山王君植三設局採訪草創畧具然而拾遺補闕修  
理維艱繼任縣事鍾君鳳喈爰邀余摺三太史及邑紳李

光化縣志

卷首

序

君晉臣路君文軒簡君漢卿規畫區處復設局於復文書  
院延邑之明經段仙槎生員周時葵涂枚臣焦松軒楊五  
樓分任其事書成錄呈

院憲去年冬余重蒞斯土因傳四鄉紳董張兆龍齊兆萬  
劉乙昭盧正衢張淦督催各團經費俾以其書付諸剞劂  
並囑選拔唐君步洲同周君時葵週歷各鄉參互考訂以  
求其詳閱三月而蕝事是志也李鍾兩任創其端葉王兩  
君襄其事城鄉諸紳始而出力終而籌費皆好義士民有  
以贊其成也余何功焉自愧才識疎淺無以教養斯民惟

序

光邑在周爲陰城在漢爲鄴何以名鄴漢封功臣蕭相國食采於茲高祖定鼎意以咽喉之所上通秦蜀下瞰江淮不有豐功偉烈坐鎮其中安能成大漢無疆之業哉漢末紛爭不獨伏龍鳳雛爲當代名臣儒將後世高人隱逸屢出襄鄴之間顧天生歷代之人才必有歷代邑志以傳不朽有邑志而人才之出處風俗之厚薄城郭之興廢世運之變遷瞭如指掌志之爲功不其鉅歟

熙朝以來前朝先世高曾來遊於此或居光化或客襄樊數百

光化縣志

卷首序

一

年矣先君子由光返梓好讀書喜談邑乘嘗曰予閱天下志書多矣未聞光邑有志然所經名勝未有若鄴陽之盛者不肖侍坐聽聞之下中心嚮慕人之不幸先君卽世光邑戚友延教讀不辭千里歡然就道館於河口八載於茲過先人之舊廬憶老親之廷訓言猶在耳物是人非不禁潛焉出涕感傷風水同治辛未歲復授職於斯不意天假之緣重臨故地異鄉也不啻故鄉焉詢諸父老稽查邑乘荒渺無稽漢魏以前無論魏晉而後下逮唐宋元明以至本朝輯有志略一壞於水火再壞於刀兵不獨前無所稽卽感

豐粵逆擒匪之亂義勇多陣亡貞婦多節烈死亡者衆慘不忍聞若不旌獎以慰靈魂如芝蘭隱於空谷寶劍藏於豐城豈非千古恨事哉况山水之奇人才之盛物產貨殖之多河口繁勝甲於他邑加以名區爲祖輩舊遊之地信與此間山水大有奇緣是以邑志一書更不敢以辭責日與名宿搜羅往事憑眺登臨仰觀西塞雲臺放懷宇宙俯視東流漢水浩淼烟波他若雄才大畧訪當年墮淚之碑善政流風人今日名臣之傳播芳徽於此日垂大節於千秋欣逢

光化縣志

卷首序

二

聖天子盛治休明

大府採風問俗前任李君小屏奉諭輯修有志未逮鍾君鳳喈接篆客歲盜賊蜂起今年饑饉洊臻公禦侮賑飢四境安堵無恙公餘之暇採訪邑志纂有善本惜未歲事葉君還浦接任以邑乘爲急務爰約紳耆籌度經費與邑中士大夫勤加訂正勒爲成書付諸剞劂吁以數千百年難成之事一旦大發其光華春躬逢盛舉幸此志之有成也上以體

朝廷培植風化之心下以礪節善好修之士將見人才日起文

運天開異日士君子敬崇聖學易俗移風與此志並垂不朽是又予之厚望也夫

光緒九年歲次癸未冬月光化縣教諭葉蔚春撰

序

皇上御宇之九年寰海鏡清道路砥平文治之隆超唐軼漢自直省大都以逮各郡州縣莫不勒有圖志以備

朝廷化民成俗之資若今襄屬光化縣志之修其一徵也按光化在周爲陰子國在漢爲鄠宋初爲乾德後更今名四境相距皆周百里南通襄鄆北達鄖陝冠蓋之往來絡繹不絕蓋亦各勝區也嘗試登高弔古求蕭相國破符之故址其風氣固殊焉遙望馬窟諸峯烟雲繚繞古寺參差歐陽文忠公敷教之遺跡猶有存焉者而近瞰城西有大碑

光化縣志

卷首序

伏於路側則伍大夫子胥之故里也此地鍾靈毓秀代有傳人若漢之名儒李昉婁壽宋之張太傅明之陳尚書韓侍郎皆文章事業彪炳寰區至今邑之父老猶得於酒闌燈炮時侈談之以爲快倘所謂文獻之邦者非耶邑向有成志毀於明季兵燹後遂不復修今我

國家重熙累洽道一風同輶軒之採遍及方輿前邑尊李公小屏明府奉檄纂修方設立採訪總局而遽以調簾赴省去鍾公鳳喈明府繼之乃復立修志局延請名宿相與排纂而已爲鑒定未及付梓瓜期及矣今集公瓊浦明府蒞

任之初爰興厥工以歲其事其書自所載疆域山川城池  
古蹟外舉凡忠臣孝子貞婦烈女無一不搜取之以爲志  
乘光曩者槐青赴職時讀陳白崖太尊所纂襄郡志其載  
光化事甚寥寥今茲編之成考文徵獻以仰答

聖天子清問之意者犁然具備則三明府之大有造於是邑也  
所願後之君子繼起而屢修之斯有舉不廢而盛事能傳  
固斯邑之幸而三明府之志也夫

光緒甲申冬十月黃岡舉人揀選知縣大挑二等現任光  
化縣訓導王槐青謹撰

修輯光化縣志姓氏

鑒定

前湖廣總督涂宗瀛

署湖廣總督湖南巡撫卞寶第

湖北巡撫彭祖賢

湖北布政使司蒯德標

湖北按察使司黃彭年

分守安襄鄖荆兵備道盛植型

署襄陽府知府湖北卽補知府吉爾哈春

光化縣志

卷首姓氏

主修

藍翎知州銜署光化縣知縣四川丁卯科並補行壬戌恩科副舉人鍾桐山

藍翎同知銜特授光化縣知縣葉樹南

協修

光化縣教諭葉蔚春

光化縣訓導王槐青

纂修

候選府經歷縣丞廩貢段映斗

郡廩生周履中

邑

廩

生涂起功

優

廩

生焦作森

總理

二品封典同知銜候選知縣李楚材

藍翎訓導前署雲夢縣訓導路正彥

優

行

生

員簡飛雲

鹽提舉銜前任黃安縣訓導李如棠

總理採訪

候

選

教

諭

拔

貢唐學瀛

光化縣志

卷首

姓氏

二

卽

選

教

諭

恩

貢齊兆萬

歲

貢傅維祺

候

選

教

諭

恩

貢盧正衢

歲

貢鄭玉亨

歲

貢劉乙照

附

生左傳芝

訓

導徐式霆

附

生張淦

校對

庠

生段廷爰

庠

生楊鳳藻

四鄉採訪

恩貢楊桂林廩生張鴻鈞吳懋修王丕烈陳光遠劉邦翰  
 楊希震徐啟鎔增生蘇桂芳王凌雲生員張旭照王心樂  
 徐崇龍錢培基傅濟川徐景三秦振唐郭應霖郭鳳章左  
 選附楊中林王光遠常宗欽符良弼張霆蕭聯芳高凌雲  
 鄧時敏鄧緒理劉藜照賈化闊龍兆昌陳龍驤傅永修傅  
 屏翰符合節任時謙張瀚徐啟選陳兆華虞典王大猷李

光化縣志

卷首

姓氏

三

毓山唐湘青熊楚湘附貢陳崇本縣丞馬吉勝童生張炳之

新鎮採訪

職員解鍾靈巡檢焦作凱教諭張善學增生焦作述監生  
 桂林貢生簡文郁監生傅悅修監生余永濟職員魏汝瀛

補修邑志序

光邑志書經前任李君鏡心創始議修鍾公鳳皆繼成之先是邑之舊志已忘失二百餘年欲問其事而遺老盡矣猝成此書自不能保無缺漏以致都人士嘖有煩言是歲適

制軍裕公巡閱來襄遂以上聞命

樹南

更爲修之於是復

請盧明經正衡重加校閱參互考訂應增者增應削者削並延廩生焦依滋熊克昌襄其事積半載而工竣夫古人著書務求至當畧有數易其稿而屢爲翻刻者今茲之役

光化縣志

卷首

四

所以敬奉我

裕公之命亦比物此志也爰綴數語以誌復修之顛末云

光緒十三年五月朔知光化縣事環浦葉樹南謹識

例言

星野列第一本志舊例按光化惟明史天文志云柳四度至張十五度鶉火之次也湖廣襄陽府之均州光化縣皆張分他史俱未論及今倣康對山武功志韓五泉朝邑志例不載

方輿繪圖舊例祇載城郭山川各目茲謹遵大清一統圖式按里開方提封之遠近鄰邦之錯壤山川之脈絡原委地勢之形勝要害圖不盡悉說以明之披卷瞭然庶幾

少補於治

李澹菴志稿沿革中未列南鄉郡按集古錄晉南鄉太守司馬整碑在陰城鎮宋乾德令歐陽修猶及見之別有南鄉郡建國碑詳金石錄中今據晉書地理志補入

學宮祀位所以崇德報功也備登之以昭慎重書院義學賓興學田諸款俱附於後用期歷久遵循無失

祠祀典禮天下所同邑僻在一隅未能家有其書特詳列丁祭儀注禮樂度數以備考究凡廟祠春秋致祭者皆附之